

國子監志

制進冊

卷之七十六
藝文志十
應

第 五 冊

國子監志卷七十六

藝文志十

應



制進冊

乾隆五十年

頌謹序

翁方綱

臣竊惟

聖人之舉事也。豈惟典制之一端而已。實惟

道德之全。

景運之隆。

集社之崇函彙交合兼綜條貫而

建中和之極焉。臣嘗考周人之詩曰於論鼓鐘於樂辟

雍釋之者曰言在辟雍中者感於中和之至也。禮王制曰天子曰辟雍釋之者曰辟雍所以明和天下。謂於此學中習學道藝使天下之人皆明達諧和也。周官注載古逸詩曰有昭辟雍濟濟鏘鏘此皆專以成教育材之術言之。而棫樸旱麓皇矣諸篇始推本於壽考福祿篤慶錫光之事。行葦既醉諸篇乃推闡於祈考介景之義。

至於魯頌思樂之篇始以永錫難老與采藻采芣並稱。然此特侯國之事。又未究言其所以致福之實也。若夫箕子陳疇斂時五福。是訓是行厥義備矣。而當時學校之中大昕鼓徵所以躬親宣布天理民彝之則者。載籍罕著焉。欽惟

皇帝陛下。紹

天闡繹法

祖勤民際

重熙累洽之盛宣

久道化成之光本

躬行實踐之經成

稽古右文之化皇哉烏奕乎諸福之集備德之撰百代之憲章六經之精蘊會極歸極以萃於千載一時之

昌期也是以惟

古稀之聖人單厚集釐懋

大衍之純嘏而適有

五福五代同堂之慶惟

明倫行健之聖人有百司庶士園橋觀聽之

教澤而適有引年燕譽三千耆考之讌惟

躬行錫極之聖人著五倫要道之訓至誠無息之教而

適有三老之

記千叟之

詩以及萬卷四部之藏事此皆不期而合不戒以孚百

嘉駢翕衆善徵實以集成

聖天子億萬無疆之茂祉况乎興器用幣之誠循名覈

實之規行慶施惠之典數

鴻藻以信景鑠。被潤澤而大豐美。是以祥雲應律。春膏
 澍濡。普天喜氣。周徧洋溢。邃古以來。殫究盛儀。
 罕能躋茲矣。詩疏謂太平德洽。嘉瑞畢臻。頌聲
 乃作。臣竊繹春官成均樂德樂語之義。敬陳頌
 詞九章。其詞曰。

帝道粹精法

天至誠

聖教式闕

聖祐式凝。萬福來膺。萬祥來并。久照光明。久道化成。

大衍瑞增叶于

乾行乙奮其榮。已祉其亨。庶物由庚。庶彙休徵。以躋於

茂承以耀於

升恒。律度量衡。秩敘均平。燾怙羣生。綜貫六經。昭揭日

星。玉振金聲。一章

聖人集釐。作君作師。建萬化之基。彙乎

昌時

沛萬祐之宜。萃於慶期。五數純熙。五福維祺。五教繹思。
 五倫訓辭。於樂典司。於論在茲。伊邃古于斯。折

衷精微三雍考稽箋疏會歸

皇極敷施

錫時保之 二章

禮經所記東膠上庠乾坤之策叶合圓方六律
七宿八閨九房二十四氣五色中黃旁注四海
其流湯湯

帝錫訓言名實典常

申命庀工規繩矩量度其陽陰率循

宮牆前太學之門後彝倫之堂虹橋星環璧池鏡光

恩波教澤激激滂洋岩岩

講殿屹乎中央

帝座正臨斗極輝煌天經地維煥乎文章是大學之教

至善所彰萬國朝宗滙此源長合千聖之心為

一人之慶 三章

二月上丁夾鐘初奏維春宣氣百嘉鬯茂

帝絜道光秩禮時懋魯璧金絲

孔庭俎豆

內頒彝器祕文刻鏤

體從周之志以副

饗侑奠虞編縣光燭列宿金鐘玉磬雅吹間遶侃侃

聞聞一氣左右

聖心合揆穆乎來觀

道德精神一誠斯授大樂鏗鈞香升燎禋郁郁慶雲垂

蓋簷雷十鼓琳瑯相映篆籀古柏古槐祥光拱

壽雅頌之聲洋溢宇宙

四章

昔周人之制樂掌成均於中環水學典攸聞未
聞學記載訓言之申孰如

講義製自

躬親維昔周雅緝熙日新維昔易象健行日臻惟

聖合德本身徵民仁敬孝慈信

至德之純乾元亨利貞

至誠之神

躬行之實闡為

大文庶官庶士觀聽莘莘昔拈章句今乃識真相勉忠

孝淑性敦倫以副

聖訓以答

昌辰。豈第觀光。鼓徵大昕。萬化同源。一氣。

洪鈞。五章。

猗歟。

慶典。應期而啟。煥乎。

帝文。彌介繁祉。

五福之堂。

奎章肇始。

五福之記。

崇禧綏履。

五代同堂。五古所未紀。

錫福錫極。綜疇範之旨。堂構為

訓詞。好德為根柢。是以

全德致諸德之美。是以

全福致諸福之揆。普天騰歡。照景飲醴。

一人有慶。萬方燕喜。六章。

仰惟。

聖祖。叟宴聿崇。惟

聖合德。篤

慶重逢。皤皤三千環拜。

宸楓上春六日。閭闔矍矍。萬象長春。和風沖融。五老

之精。如華如崧。九老之瑞。如柏如松。國老庶老。

以次相從。耆老耄老。以秩加隆。

帝賚優渥。霞蒸露濃。綺筵玉杖。瑤席金鐘。

宮錦

奎章稠疊。延洪輝煌。煥爛千襲。百重捧自。

慶霄海嶠。雲紅嵩呼。合祝遊於。

喜氣之中。七章

日月中天。

帝文燾載。羣經四庫。合成瑞靄。

至治光華。膏渥沾漑。

緝熙之孚。宅中醴粹。

健行之運。元亨嘉會。圖書總祕。川流萬派。折衷於

聖人。

心源所彙。胥自

躬行。函茹薈萃。

祕閣攸溯。淵源津逮。適符於

慶辰歲成報最四部炳烺萬卷充備

道光協氣上合

天緯條理

集成溥暢乎無外八章

道洽普天

上儀邁乎簡編元日

恩頌春和鬯宣氣浹人寰枯徧山川澤飫班聯潤沛黎

元哀對式虔第祿式延瓊霏聯翩來集豆籩

錫慶逾蕃

錫瑞逾駢祥風四扇符叶台躔珠瑩露溥玉蔭芝田年

豐日暄海澄鏡圓

介祉益繁八表同歡暢垓浞埏於億萬年九章

詩謹序

紀昀

臣聞天苞地符道源一貫皇春帝夏政典異文
虞巡五玉制殊乎周官殷宗九州名別乎禹貢
正朔服色迭更於子姒以來封建井田難舉於
嬴劉以後是則然矣然不沿不襲去故所以取
新或革或因永世在於師古損益百代精探述

作之旨。經緯萬端。曲盡神明之用。秉持聖矩。提挈乾紐。正名侔乎黃帝。定禮協乎

素王。經世上猷。又非可以管蠡求也。欽惟我

皇上璣衡在握。儀璘恒照。虞典慎省。勅

天著乎舜歌。周錄延長。率

祖念乎幽俗。建極錫福。惟馨香之感神。無逸永年。信康

強之逢吉。螽斯蕃衍。

五世驗其貞符。鹿鳴燕樂。千叟應夫壽曜。靈臺偃伯。武

德備而修文。康衢聞謠。養道決而興教。粵稽太

學。建自有元。相沿園水之名。未具旋邱之象。貞元再合。儲待

重熙之朝。禮樂百年。慶逢

首出之

聖。爰考古義。趣建崇基。方儀內函。圓折外甃。火珠竦峙。

石梁交達。宛游靈沼之側。重覲鎬京之制。蓋質

文異尚者。矩矱恪秉乎

高

會。今古一揆者。符節遙合乎先後。聰聽

國子監志 卷之十一 應制進冊 一
彝訓舊章不愆。儀監前規。闕典則補。貞珉矗立而螭盤。寶書深鐫而鸞翥。

睿慮遠。

聖謨彰矣。豈但三老五更。釐曲臺之駸文。刊虎觀之謬論哉。冬官歲事。適圖周大行之數。春祀升香。用儀備上丁之薦。典本歲修。禮崇

親舉。麟書景乎沖漠。龍蹲接乎盱蠻。藉以告新宮之成。昭聖教之昌也。於是

臨橋門。

登講幄。九官鵠立。三舍鳧趨。瓊几敷陳。

玉音闡演。發

孔曾之微言。扶羲文之真理。莫不竦聽。肅穆默悟。愉怡斯時也。

法駕方莅。瑞雲交霏。五出應節。當土膏之至動。三農愜願。際麥穎之奮茁。豈非歡心溥洽。祥徵立致。以豐歲之兆。慶大禮之成哉。臣忝備月卿。獲登雲陛。司儀侍玉俎之側。聽

講跽

黼辰之右。葵藿小草。向陽有願。禽蟲微質。應候自鳴。不勝踴躍歡忭之至。謹拜手稽首。獻五言詩八章。用昭

聖朝文治。為古所未有。其詞曰。

鳴鳥聞崇岡。菁莪育中沚。靈囿昔肇建。璧沼亦經始。雲漢歌作人。卷阿賦多士。西京化云盛。東轍風漸靡。叢議泝卯金。歧論逮天水。黃圖渺前基。青史曠遺軌。興文待

昌期。稽古資上理。五緯珠躔明。三雍雲構起。一章

聖皇握玉券。

洪算絲瑤圖。

五葉席景運。

六御提神樞。

軒夔武義炳。

舜羽文德敷。

釀化周鼇極。首善從鴻都。四門集俊乂。六藝陶師儒。園

橋緬舊記。壅水懷前模。萬化夙修舉。一事猶

勤劬。經營補所闕。名實蘄其符。二章

太史撰日吉。將作鳩工良。分寸度繩墨。法象規
 圓方。九宮準奇偶。八牖宣陰陽。雲雨軼太半。金
 碧輝中央。一鑑匝瑤甃。四阿交虹梁。淵渟蓄珠
 水。井養資銀牀。經營羣力集。區畫

睿慮詳。粲然禮制備。煥乎文治光。三章

龍畫耀雲章。鼇碑鏤樂石。上軼岐陽鼓。下掩蘭亭迹。
 金鏡明法戒。

玉衡絜今昔。興賢振虞業。泥古斥縫掖。五更義兼訂。三
 老疑再析。鄭孔誤當刊。班蔡謬皆闕。仰讀悟政

範俯繹知學的。弦誦識勿忘。貫佩期無斁。四章
 儒珍樂普育。

聖域溯至精。鼓鐘續周雅。俎豆升

孔庭。二月榮緋桃。七葉抽翠蕒。精禋春卜吉。上儀

親告成。肇修豐水典。式慰

尼山靈。河圖酬宿望。木鐸宣遺聲。

神喜金石和。

德孚黍稷馨。羹牆接千載。突奧證六經。五章

靈鼉警衆集。華鯨傳

國子監志
應制進冊
蹕來穆穆

天光臨肅肅

經帷開駢聯芳茵布次第華纓陪敷陳披聖籍

宣示聆

睿裁天樞運萬古人紀摭三才

體健勵無息敦倫期允諧

康強勤典學

壽考樂育材敷言惟

皇極泳化皆春臺六章

至治感休徵太平召協氣

蒼緯叶神符黃輿證靈契側聽玉案

講慶覲瓊霏至合寸凝蕭雲盈尺兆歧穗頌奏屢豐期

雅當於樂際繫豈多稼祥實表

觀文瑞感應一氣通申錫諸福備愉愉歌詠音炳炳天

人義七章

化成聲教遠

道久禮樂興

七旬勵宵旰百度挈準繩福惟萬億積治乃三五登樗

材逢嘉會

天語欣欽承仰睇

紫殿高俯視翠澗澄圓規擬壁合溫溜方川增矢音

依陞楯稽首瞻觚棧無由裨海嶽惟祝齊升恒

八章

賦三之一

彭元瑞

辟雍天子之學也自放勳以上未之前聞虞有西膠之庠夏有兩序之造殷有瞽宗之文亦越周穆考園辟雍以靈沼武王考卜自豐宅鎬備

四學之制以為有天下之號王制云天子曰辟雍諸侯曰類宮如樂之宮懸軒懸圭之前誦後直其示別蓋可從焉後儒之說紛紜競起取義則辟者明而雍者和象形則辟壁圓而雍壅水九室十二室四窗八窗太廟清廟世室明堂名異地同大射大饗大祀行其中以神道之清靜天子之尊崇混神人而無異宮毋乃迂且侗乎我

國家德教熙洽文治駿鴻

皇帝以上聖之資

身為之律

道積厥躬

詩超雅頌

文軼典誥萃四庫以右文廣諸科以烝髦陰黃瓦於華

棖榮綠槐之嘉陰

頌周范之十器瞻車服於

孔林立學崑濛建廟興桓靡不崇飭修舉豈首善之

地而辟雍顧自元中統以來五百年闕焉未完

也迺

命禮官俾相度

召司空庀將作伐石穹嶼栒材巨壑任楸枅以梁棟區

椅桐以杗桷施以斧藻彰以丹雘圓蓋穹聳象

天行也鱗渠之而環重瀛也瓊陛對出四門闢

也蜃牖洞敞四目明也井可用汲左右逢原也

風行其上觀水觀其瀾也

帝位乎中

聖杏壇也

奎文黼扆

聖人之言也。翼以六堂。士誦弦也。其北則高宇豁間。連楹八柱。席間函丈。講肄所聚。

璇榜揭日

福疇攸敘。其南則寶坊翹瞻。屹峙若闕。教澤以圓。學海以節。植豐碑之隆隆。蔭層亭之業業。維皇極之敷訓。紀肇造之歲月。實主名賓。循塗守轍。勛爾多士。進德修業。大哉。

聖人備德位時。治觀成而勿亟。事有待而非遲。復古者

盛。泥古者蚩。推而言之。如井田不可以治地。封建不可以司牧。三年里選。不可以得士。五品不遜。不可以善俗。決不可治水。車不可教戰。泉府不可易園。而乃賦稅不可易粟。而絹矧我朝大經大法。

祖述憲章。將萬萬年守之。而不愆。不忘者哉。經營不日。

迺二月上丁。舉釋奠之儀。以落其成。萬仞宮牆。

六拜殿墀。奠爵薦幣。屬屬祗祗。合

先聖之一揆。雖

天子必有師

德馨誠感神之格思禮既成乃

臨辟雍

王者視學自北門入

天度穆清如雲如日升者鷓翔仰者鵠立班者鴻漸聽

者麋集黌席之老百五橋門之士三千命公圭

搢博士襪聯四氏五子東野西姬演疇舊封暨

高句驪靡不拭目傾耳虔悚以俟儒宰陳書祭

酒執經捧撮土以附嶽掬涓流以益溟丕著

御論誕告汝自西自東自南自北維天順至誠之動維

聖立人倫之極仁敬慈孝以達於信交潛見躍

飛必本乎乾惕天垂其則聖合其德賢入其域

人荷其責百姓與能君子不息高矣美矣茂矣

大矣

聖之徹上下貫精一而自道所得也於是驚者擣舌悅

者服膺道氣之所布濩元化之所醞蒸感以符

節之合動以志氣之壹

誠之至者如神天垂象而見吉始散稷於觀旂乍成珪

於拜席香升而雲同律和而風習釀三冬之和
渥一日之澤宵雅昌穀於禹甸春秋紀瑞於周
尺化為雨之時被為風之春積為道岸之登融
為

聖涯之淵士尚其禮耕義種而講學以耨占者曰天道
地寶而人情為田

賦謹序

曹文植

乾隆五十年春二月丁亥

皇上親祀

孔子廟庭既徹迺

御新建之辟雍

宣示經訓橋門觀聽烏奕歡騰典至重也制至善也澤
至洽也且是日

翠輿屆臨祥雲敷布絲連滋酣瑞表盈尺仰見

至誠孚感如響斯應綏豐溥而治教昌久道化成於茲

益信焉臣倬直

內廷時沐

大聖人諄篤牖迪淪浹肌髓欽逢鉅工告歲

鴻儀聿修。又獲襄事。豆籩恪侍。講幄。

恩榮踰分。鳧藻蹈舞。矧臣兼尹

畿封。杏菖望澤。汎濩及時。士歌於黌。農抃於野。

景貺嘉符。誠

億萬年洪延之慶。賦者古詩之流。敷陳其事。用宣

上德而抒下忱。臣雖至愚。敢不覃思竭慮。冀揚扞

郅治之萬一。謹拜手稽首以獻。其辭曰。

皇帝膺

景命光

聖緒

總創守之駿業。懋緝熙於純嘏。芸生敷與。品物嫗煦。提

釐荷衢。鼙鼓軒舞。凡往牒未隸之陋。靡不設之

官師。建立黌序。蓋

聲教若斯之溥也。於是乎斟酌盡善。而準今以酌古焉。

伊昔蒼姬。宅鎬築豐。成均東序。上庠瞽宗。五學

竝建。中曰辟雍。盛紀乎大雅。制殊乎類宮。此周

京之極軌。漢唐奚足以比隆。煌煌

天邑造肇金源。良禹建學。溯始至元。百堵草創。園水闕焉。緬懋典而企慕者。越五百年。我

國家締構。協燾冒。經緯周埏。維度鴻規。而大起。賅帝者之上儀。獨澤宮之舊制。若從容以待時。云土深而泉遠。議雖建而莫施。

皇帝奮乾斷。豁羣疑。相度規畫。亟

命有司。景鑠哉。議禮制度。考文咸備於茲。惟

聖人為能統德位而作

君師。是以卜講肆之前。祭界六館之中位。置絜而水平。

殿翼如

測圭而景值。顯翼泰紫之垣。炳蔚奎壁之次。有

天子之居。儀坤植矩。引繩赴隅。芝栢茄莖。藻井絳疏。屋

重阿以雲上。門四闢而霞舒。備哉粲爛。足以庠

五室之建。而陋三雍之圖。其外則礪礪周布。闌

楯重迴。虹梁互以旁逮。雲閭誅其洞開。丸丸者

松森森者槐。勢峩巍而爽塏。波泝澗而滌洄。決

泱沼環。泠泠玉漱。汪濊淵渟。沖融廣袤。詫醴泉

之自達。儼感沸之交湊。有冽者井。在左在右。轉

以輓轡。汲以瓴甃。淪不竭之靈源。悉

上聖所指授。歲陽奮軋。律中夾鐘。乃

修上丁之吉祀。

詣

先師之闕宮。青旗茂茂。和鸞雖雖。瞻戟門而由右。

黃幄卓乎階東。

展皇儀。肅

天容。香升蕭煜。盛潔粢豐。羽籥六佾之舞。咸英九成之

聲。

體道統而昭對感。

神契以德馨。洋洋乎穆穆乎。所謂以

聖格。

聖通微於一誠也。爾乃

莅雍宮。

御講筵。華鐘隍隍。鼙鼓齶齶。句臚傳呼。藹然秩然。同致

六拜之儀於兩階之前。

咨爾有衆。乃敷

教言。夫止善者道蘊之崇。槩行健者視躬之典式。維玉

音之宏宣。合性類以徧德。

標要道於萬古。貫至誠之不息。此

天亶上哲。覺牖下民。而示之準則也。於是鄒魯濂洛之

裔。措紳縫掖之徒。彬彬濟濟。祁祁于于。曠若發

蒙。嗒焉若愚。澄慮尋繹。乃洽喜而臚愉。有五百

老人。翹首懊懊。有東瀛陪隸。雀抃睢盱。莫不荷

陶甄於

大道仰

盛世之涵濡。普天

惠浹。乃徵

元符。是日也。吉雲翥其四布。祥飈鼓而揚旂。初霰集以

珠貫。旋乘風以回飄。希聲脈脈。皓采瀟瀟。占

醲化之優渥。更滲漉乎春苗。

皇猷煥昭。文德廣被。倉庾實而禮讓興。盈阜溥而弦誦

肄。胥羣生以熙皞。益翔泳乎仁義。

聖天子以賢才為寶。以豐年為瑞。奚取乎平露賓連。麟

遊鳳翺哉。粵稽夫靈臺之篇。有聲之詠。羲農以

還。周之德稱極盛已。然而職方王制之版圖。未

若今日埏垓在宥。罔不奉命也。百男瓜瓞之蕃。行未若今日五世一堂。潢源集慶也。期頤耄耄之壽考。未若今日繩

武錫宴。後先輝映也。于耜舉趾之勤劬。未若今日

古稀天子。親行致敬也。以斯知辟雍海流。權輿於周。而

皇躬福德之隆。固負千聖百王而莫竝。是以

奎章焜耀。

鴻藻喬皇。崇

祖制。則

申泥古。驚名之告誡。

繩曲說。則

闢獨斷。通典之荒唐。

證永平。億萬之誕誕。

考岐政。三老於明堂。所以納世道。人心於

聖教。

錫蕃禧。茂祉於無疆也。

禮成慶頒。

湛恩迤演。光天之下。咸詠蹈懋。勉曰懿哉。

天子萬年紀開大衍。

愷布元辰引年光顯。於樂辟雍。既煥教典。乃

劭農以三推。

沛膏潤於塍畝。盛哉乎莫不欲獻康衢之謠。而奏昭華

之琯。

詩

哈福納

聖皇炳經緯。

釀化含精純。至道決維絡。

盛治彰彌綸。

君師統作則。育德期振民。禮陶兼樂淑。摩義還漸仁。太

和普翔洽。四海風胥淳。

典學建園水。特起鴻模新。舉典稱名實。敷言闡主賓。

天文煥碑記。

教思垂無垠。

昭陽單闕歲。

申命造壁池。司空偕宗伯。經營

詔典司。呈圖定規制。

頒帑勅度支。開渠通瑤甃。構厦標雲楣。引井汲以綆。挹

彼而注茲旋邱澤周匯疊石齊鱗差方圓法天
地覆載同無私

乾綱統提挈

心矩精絜量復古不泥古

聖謨宣洋洋祇適守

成憲

篤恭循

舊章世承有典則揚

烈觀

耿光諄諄示

彝訓金薤鐫琳琅因事垂法戒

睿慮深且長萬年保滋大纘

緒思不忘

心法與

家法永永傳無疆

維

帝緝純嘏受祜承

天府麟趾疊衍瑞

燕翼殫詒謀

五代協五福。保極徵箕疇。雲仍篤

垂裕。

世德表作求。

一人綏繁祉。萬國欽

皇猷。

絲綸下

鳳闕。布護

恩光稠。馨薦嶽瀆溲。

賚錫寰埏周

茲歲孟陬。月繩

武者筵開。醇釀浥湛露。當軒

賜酌壘

展親集桐珪。列爵同棘槐。年高松喬侶。道遠梯航來。鶴

髮排鷺序。肅肅躋蓬萊。蕃釐集籌屋。協氣融春

臺。堂廉樂醕酢。拜手歌康哉。

嫺媛度寶閣。

四庫登瑤編。淵源竝津溯。如海匯百川。金匱石室

啟。秘簡蒐羅全。蜀岡界浮玉。

文思敷江天。湖山地有美。宛委峰遙連。縹緗頌天祿。異

彩騰奎躔。牖民

聖衷切。豈惟矜鑿鉛。

製記暢精義。浩浩充言泉。

仲陽燿靈煦。瑞靄環

金坡上丁啟

法駕噦噦鸞聲和。豹尾森迤夏。鷓班華振珂。宮牆延

羽蓋。搖颺光風多。大成啟

聖殿禮器彝尊羅。煜煌虞業設。賁鼓所鳴鼉。肅穆仰

天儀。玉帛奉莪莪。古槐蔭翁鬱。向日榮繁柯。

雍宮莅宣講

聖言晰至精。五倫達道廣。

敬止孚光明。自強表不息。剛健同

天行。範圍化莫過。悠久化以成。

立心即立道。萬世開太平。美利在天下。蕩蕩誰能名。淵

泉更溥博。其象當前呈。橋門聚冠帶。環聽歌頌

聲。

詩 謹序

韋謙恒

皇上御極之五十年。殷仲春。以辟雍落成。

躬詣

文廟

釋奠

先聖。遂

親臨講學。自王公卿尹。以逮庶僚庶士。垂紳拱立。莫不

歡欣踴躍。仰瞻

天顏。服繹

聖訓。猗歟休哉。臣竊惟辟雍之制。肇始姬周。靈臺詩於

論鼓鐘。於樂辟靡。王制天子曰辟雍。釋者曰辟

雍。水旋如璧。以節觀者。又曰辟明也。雍和也。言

所以明和天下也。自時厥後。惟兩漢諸帝間行

臨雍之禮。史臣褒美。載在簡冊。伏惟我

皇上聰明睿知。監古好古。

壽逾古稀。

萬幾兢業。猶且

念終始。典於學。自朝至日中。晷不遑暇逸。粵歲昭陽。單

闕

特詔廷臣稽舊典興鉅工於太學彝倫堂之陽疏渠縉井構材隆棟建立辟雍剋期事歲至是

法駕親莅重申

謨訓昭示天下萬世凡百執事暨觀禮臣士

賜幣

賜宴有差方祿將之成禮適春膏之廣澍優渥霑足三

農鼓舞皆由

聖天子奉若

天時篤承

嘉貺用是斂福錫福

恩綸疊沛茂祉備臻隆儀具舉尤

天人訢合千載一時之盛軌也臣忝侍

講幄職司記注欣瞻

懋典不任歡忭謹拜手稽首而獻詩焉其辭曰

於鑠

聖清奄壹寰瀛

祖聖

宗神繼繼承承

文思廣被孔牖羣生尊

師講道敷澤膠黌我

皇繩

武濬哲文明

典學致治適集大成天之所覆地之所經星源月窟沙

度繩行沐浴

治化傾輸丹誠

聲教暨訖舞蹈昇平京師首善懿惟太學高山景行禮

器車服鼎俎鉶籩祀虔儀肅六館諸生以教以

育稍食月會功緒歲錄博習親師含淳敦樸巍

巍講舍渠渠夏屋卓哉辟雍允宜興築

天子曰咨其議龔斷經之營之不疾而速迺

召司徒迺

召司空度地飭材優餼鳩工虞衡課績般任効功水周

於外堂居其中重欒層構四牖八窗納光激景

騫鳳遡風睽眾庠豁杳窳穹隆繞以圓池漪漣

沈溶石約迴環徑深而通勿幕有宇井養不窮

歲臨旃蒙。月在營室。叟宴三千。品備百物。
壽世壽民。海寓歡溢。越春月仲。上丁協吉。疏轂飛輪。鳴

鸞啟

蹕。朱旄雲輝。翠葆蜺拂。

駕詣禮殿。

先師祇謁。釋幣釋菜。義昭教設。

天容肅然。濟濟漆漆。

至誠感格。宮牆紹述。祀事備舉。乃

臨講筵。

典謨輝煌。維

皇敷言。緝熙崇敬。行健法乾。微文闡繹。大義揭宣。

詔爾臣工。是討是論。

詔爾多士。是陶是甄。大哉

聖德。溥博淵泉。小心翼翼。

王道平平。登山卑坳。觀海知源。若合符節。道統千年。上

公九命。維

聖之裔。析圭擔爵。

賞延于世。四氏襲職。纓組

簡昇虎觀贊襄。鵷行趨侍百爾。駿奔恪恭將事。各修乃

職。各齊乃位。凡厥庶士。成均羣萃。近

天子光。咫尺仰企。橋門環拱。雲蒸霞蔚。

鉅典欣逢。廣颺鼓吹。

皇曰懋哉。惟茲宗僚。肅將儀文。襄禮庠膠。

恩賚有加。各予榮褒。有進講臣。言

錫宮袍。有侍從臣。言宴

天庖。伊滑惟酒。伊馨惟肴。酌以膳解。飫以醴醪。三爵油

油。廣奏雲璈。

湛恩普洩

德音孔昭。懽忻愉悅。戴

天之高。譽髦斯士。執經鼓篋。所居有舍。所習有業。大昕

鼓徵。青衿環立。雅雅魚魚。星攢雲合。

上顧而俞。以宏

獎納。

賚予宣頌。

恩波濡泐。載

眷棘闈。風簷晷急。解額加廣。茹連簪盍。凡此

曠典便蕃稠疊藝林鼓舞和氣翔洽四國于蕃傑侏兜

離重譯納賁波航岑梯觀光

鳳闕負棘虎闈進旅退旅咸荷

栽培

聖人至教溥徧無私日芒所認

化雨咸滋自南自北自東自西同歸

至治奔走偕來

文教覃敷薄海恬熙夏乎邈矣侯其禕而洪維我

皇握圖御寓

曼齡延洪丕承

聖緒瓜瓞衍慶天潢惇敘

五世徵祥有秩斯祐

頒詔錫祉

德洋恩普嘉瑞備臻

鴻儀懋舉崇儒敦學右文稽古制攷成周

澤流庠序

壽考作人昭示來許鞠脰賡歌敬獻

當宁

說雍 謹序

吳省欽

乾隆五十年春二月丁亥

皇帝飭法從服禮服祇事於

文廟六奏備作神人豫和遂

詣彝倫堂更衮服實前屆

臨雍處也當乾隆三十四年

上釋奠太學言臣以建置辟雍請格部議未舉四十七

年

上臨度面執

命給少府錢率作興事鑿池壁圓中麗穹宇有門有橋

古槐後蔭役歲上冬禮簋茲日越王公百執事

聖賢裔姓逮六館生徒軒轅翔濟迺序於

辟雍之南候

駕臨講敬止健行揆符合一稽唐虞三代而下人主歷

年七十以上者紀年至五十者上下千百年間世

一遇至如

五世一廷愉愉緝緝昔

孔子集羣聖之成為生民未有

皇帝以帝王未有之聖。集帝王未有之福之成。惟是建國君民。教學首善。古辟雍之制。與夫臨雍講學之典。有是名。當有是實。即一端而我

皇上紀綱法度禮樂政刑之全。胥準此已。以臣弇昧利

觀

國光不揆不文。謹撰說雍一篇。拜手稽首而獻曰。古無辟雍之名。至周始置。王制天子曰辟廱。廱通作雍。辟雍者天子之學。於虞上庠。於夏東序。於殷右學。即瞽宗。周立四代之學。合太學為五

學。太學在東。東膠。又在辟雍之東。辟雍環水。天子承師問道。行禮樂。宣德化。多就此行之。其餘國子之學。學禮就瞽宗。學書就上庠。學舞干戈。羽籥就東序。學樂德樂舞樂語。就成均。此以知太學非清廟。成均非辟雍。韓詩說。辟者。辟取有德。蓋讀若闢。鄭康成禮注。以辟訓明。以廱訓和。使天下之人。皆明達和諧。其箋靈臺詩。亦言在辟雍中。感中和之氣。而大戴禮曰。明堂外水曰辟廱。是妄以明堂辟廱為一。蔡邕月令論曰。取

其宗廟之清貌則曰清廟取其正室之貌則曰太廟取其堂則曰明堂取其四門之學則曰太學取其周水圍如壁則曰辟廡是妄以廟學明堂辟廡為一。穎子容春秋釋例曰。肅然清靜謂之清廟。行禘祫序昭穆謂之太廟。告朔行政謂之明堂。行饗射養國老謂之辟廡。占雲物望氛祥謂之靈臺。其四門之學謂之太學。總謂之宮。是妄以廟學明堂辟廡靈臺為一。黷政不經。人鬼雜處。陋儒從而信之。從而述之。要之殷太學

在郊。文王之辟廡故在郊。周太學在國。武王之辟廡故在國。在郊故曰振鷺于飛。于彼西雝。在國故曰鎬京辟廡。自西自東。自南自北。無思不服。廡或作雝。朱子曰。雝澤也。說文無雍有廡。从宀。讀若儼。象對刺高屋之形。四方有水曰邕。故从邕。毛傳曰。辟廡水旋邱如壁。以節觀者。孔穎達疏曰。壁體圓而內有孔。此水亦圓而內有地。猶如壁然。此水內之地未必高於水外。正謂水下地高。故以邱言。以水繞邱所以節約觀者。臣

竊以以水繞邱。則必以邱起宮。天子有辟廡。諸侯有泮宮。泮宮半於天子之宮也。泮亦作類。判池象潢。園池象璧。池之上皆當有宮。西漢末。治明堂辟雍。光武中元。立明堂辟雍靈臺三雍。班固詩有辟雍湯湯之語。而公玉帶所獻明堂圖。亦環有水。以雍訓和。本融而為川之義。詩來雝。論語作雍。意漢時靈臺亦壅水。故曰三雍。若雝廡。皆从川。以水而言。當从雝。以宮殿而言。當从廡。楊慎引水經。泮水一名雩水。在靈光殿東南。

即魯泮宮故址。泮乃水名。不得以泮林為泮林。豈得以泮宮為泮宮。不知古天子諸侯有澤宮。今府州縣衛學之廟曰泮宮。宮前有池。而京師有廟有學無池。

皇上君師統合。議禮制度考文作

辟雍作

辟雍殿。殿之制既立。故其文从雍。不从廡。池圓象德圓。殿方象行方。規矩之象昭焉。天地之撰合焉。良以

釋奠之典數舉

臨雍之典載舉而彝倫之堂可謂之學不可謂之辟雍
今有橋有門有池與詩注王廡水之外圓如璧
者合有

殿與記所稱澤宮者合

講闡經訓丕變觀聽與白虎通所稱行禮樂宣德化者
合先舉

釋奠與記所稱天子視學祭先師先聖遂適東序者合
詩曰於論鼓鐘於樂辟廡大昕鼓徵臣庶感化

彼綴文牽義之徒或曰辟之為言積也積天下
之道德雍之為言壅也壅天下之殘敗或曰辟
者法之所自出本之以為禮廡者和之所自生
本之以為樂附會穿鑿本義愈晦惟禮統謂辟
廡內如覆孟外如偃盤禮書謂辟雍園而園方
陰陽之義與圓璧之義不背然言辟雍不言辟
雍殿則以知辟雍不知古辟雍有殿我

皇上因心作則所傳者唐虞三代聖人之心所行者唐
虞三代聖人之政所議者唐虞三代聖人之禮

創建非常洋洋堂堂懋敷

聲教仁敬孝慈信倫之所以敘也天行健君子以自彊
不息德之所以純亦不已也雖雖乎

議道自已隆禮由禮不特視漢唐陋儒專以辟雍為習

射養老處者意量固已霄壤即文王在郊之辟
靡武王在國之辟靡其淺深廣隘夫豈可同日
語哉是故元明以來數百年未舉之典至

皇上而興實則唐虞三代以來盡美未盡善之制至
皇上臨雍講學將事豫備作

辟雍即壁旋之邱作

辟雍殿而天下萬世始知以彝倫堂為國學為太
學

辟雍為

天子之學殿取諸廣故詩禮竝从靡漢書从雍作說雍

雅 謹序

陳嗣龍

欽惟我

皇上文思光被久道化成太和之氣翔洽萬寓自熱河
以訖新疆凡增置郡縣之區皆為建費舍設儒

官以董勸之

仁漸義摩風動時雍於鑠乎

德教之盛為前古所未有迺復

念國學為首善之地溯元明以來五百餘年辟雍未建

名與實或不相稱也

命復古壁水之制疏沼構

殿用表規裏矩以崇範乎天下工既竣歲旃蒙之

仲春

皇上親詣

文廟釋奠改改焉穆穆焉自堂至基祭菜舞籥行聖
公及卿尹庶司先賢後裔翼而從罔敢不祗肅
協氣所召祥雲告豐

皇上迺御辟雍殿講筵進多士而

申訓之闡經奧發天苞遏矣哉

斟元敷樞實有未易專緒者矣臣昔由選拔入成均蒙

恩擢寘上第授職詞垣茲獲偕侍從諸臣趨陪

盛禮既聆

聖訓心悅誠服莫可名言竊惟辟雍之制始於姬周其

名數見於詩之大雅

國家版圖式廓靡遠弗屆。視周詩之所稱西東南北。奚啻數十倍焉。臣不揣輕陋。謹擬雅三篇以獻。

皇建志經始也

上德化覃洽。禮樂大備。

命建辟雍。以昭隆軌焉。

皇建其極。文治適昌。峩峩

國學。萬方之綱。爰作辟雍。麗于周京。叶以象

聲教四海攸同。叶章

迺

詔度支迺

詔司空。俾飭厥材。俾鳩厥工。範疇模載。園外方中。壯我

天邑。鬯我

皇風。二章

其水維何。井洌是資。汲以修綆。承以文螭。瑤源東注。圓折成池。淵泉時出。浩乎

聖涯。三章

翼翼

丹殿峙於中央。澄流環鏡。修虹互梁。

皇闈四闢。泰階維平。叶

執一表正。斗車運匡。四章

虞業既煥。賁鏞既森。樹之坊表。欽哉。

德音惟學。海是探惟。

教澤是覃。於論於樂。以泳以涵。五章

聖謨洋洋。示以崇矩。惟名與實。或賓或主。既斟於今。亦

酌於古。古不可泥。

敬繩

祖武服物。采章惟秩。惟敘億萬斯年。受

天之祐。六章

右

皇建六章。五章章八句。一章章十二句。

諏日志

聖敬也。辟雍告成。

上親釋奠於

大成殿。昭

崇儒重道也。

諏日吉亥。協于上下。萬用入學。典紀夏正。我

皇尊道。

文廟展敬。叶

至德惟誠。

至治惟馨。

撫謙隆禮。超軼前經。一章

元正

覃慶

命飭專官致祀

闕里。潔薦豆籩。

皇心齋肅。

冥命重宣。觀成圍水。

祇謁申虔。

鑾輅莅止。瑞應駢聯。二章

嘉薦迺修。大樂迺作。工奏登歌。佾舞羽籥。翕如

純如。聲金振玉。叶和風允諧。

聖容穆若。三章

輔臣分獻左右以次褒成之裔。適來陪位爰自庶尹暨百執事。濟濟蹌蹌欽瞻。

盛懿四章

昔歲己丑。

國學維新。

詔頒十器周范用章。叶維鼎維卣維罍維尊壺觚爵洗

簠簋具陳輝映兩楹。郁郁乎文。

聖敬日躋復茲致寅。五章

祭毋欲數煌煌。

訓辭如建盛典必待乎時。三獻之禮二仲為期。每

告成績。

親舉崇儀維儀之崇。惟

性之彌

心法治法

作君作師六章

右諏日六章。二章章十句。二章章八句。二章章十二句。

敷言欽

聖教也

上益辟雍宣敬止健行之義為天下立道也

數言是訓

教思孔殷宣昭

御論精義入神天人以貫

輝光日新率俾多士莫不尊聞一章

惟

聖緝熙敬德孔彰懋敦人紀

示民有常

仁敬孝慈信及萬邦叶萬邦之孚

一人之慶二章

惟

聖健行惟

天是則悠久以成至誠無息惟時惟幾孚純劭德

思日孜孜萬年立極三章

橋門雍雍冠帶肅肅奔走偕來惟

聖人樂育維禮斯陶惟樂斯淑式舞且歌無思不服四章

章

作人惟

皇保樂洽壽錫福無疆引年由

舊瓜瓞其絲松柏其茂

衍羨引康洪延

純佑五章

芄芄棧樸奉奉梧桐我

皇茂對仁洽道豐

詔爾多士實用是崇勗哉

廷獻熙績亮功六章

右

敷言六章章八句

詩

六合

鴻文煥三雍

至教宣冠裳崇化地

壽考作人年首善賢關闢英才學海沿累朝黌舊設一

水壁新穿如帶波長遶非璇折亦圓中和

天子建名實

沈孫連

聖人權選勝宮槐側流

恩獵碣前補元中統闕超漢永平先。曹子儒風鬯春丁

祀事虔。恰宜輸引便。言采藻芹鮮。

法駕乘時御。

明禋釋奠傳。環林翔

鳳蓋。清蹕駐

虹旃。堂定聞絲竹。神真格豆籩。大昕

臨校舍。左制俯回泉。青領觀

光切。橋門望

澤便。跪迎偕衆彥。

勸講發真詮。

舜日

堯天是。周情孔思全。

健行符易象。

敬止繹詩箋。璧沼珠璣灑。

奎章穀璧鐫。

君師瞻講幄。宴賞接耆筵。典以彝倫重。儀非饗射專。

精誠通肝鬢。

文德洽垓埏。襟佩驩聲溥。宮牆瑞靄連。臣材慚大雅。於

樂賦新篇

詩

吳省蘭

教胄典清球。奏公聽靈鼓。

祖烈開仁田。

宗功治藝圃。我

皇宏遠謨。羣生庇大宇。震旦揚芬馨。恒春藹和煦。振振

麟之趾。詵詵螽斯羽。靈椿

壽盈千。瑞芝

世次五。迺集大羅仙。共酌康衢醪。九節筇枝頌。十華錦

章吐。泰階徵祥風。成均廣

化雨。嘉名傳鎬京。

誼軌越三古。

有洌引泉井。不竭成璧池。鏡開紋潏灑。月色波
參差。紆徐遶員嶠。層折融周規。

聖涯普涵泳。

帝澤宏敷施。揚清妙鑒彼。漱潤工注茲。詞源汎洋溢。學
海含清漪。芹芳鬱藹藹。藻馥浮依依。近參類宮

製敬讀

環水碑不改義取易於論工奏詩盈科洽洙泗石鼓文

蟠螭

有橋通輿衛有殿接星漢雲構凌日邊虹梁聳
霄半卓爾瞻文峰翼然企道岸短椀霞紛披連
杜綺璀璨奕奕卑鱣堂巍巍壓虎觀圓神三以
函方智一以貫洞達窺圖書裕衍列几案楹榜

懸

奎章禁扁勒

宸翰柱斗拔菟莪櫺星掩炳煥

聖域廣丕基儒宮近高閑

上丁吉日筮

太乙齋宮虔塵蠲

鳳輦肅雪映

鸞旗妍載鳶靜呼

趨節步安佩瑄初孫陪位至祝史迎

神先氤氳飛紫香羅列排丹筵薦醞潔酒醴羞毛呈牲

牲九成叶鞞柷十器光豆籩三獻禮穆穆萬舞

儀僊僊周彝彩斑駁孔壁彤蛭淵見羹典型在
舍菜

精誠專

法從昭森嚴

講道標粹美奧窅元機參筌蹄秘旨契法脈尋胚胎神
苞漉渣滓主敬宏

緝熙積健振條理木鐸聲警聾金桴勢扶靡鹿洞沿源
流鸞湖晰疑似珠盈徐庾囊玉積曹劉壘琅函
披琳球

綸言結羅綺光儀九苞鳳學富百城雉小儒歸
陶鎔諸子失涯溪

糜粥典頗贅老更名已拘孝弟樹

誼教耆耆依

仁模翹首鶴髮垂跂足鳩杖扶班秩螭頭肅道夾龍尾
紆師師綺里集翼翼洛英趨獻議戴馮似附論
孫卿俱既沾

壽寓澤還聽

經筵謨光晶玉盤映黼藻霞錦鋪仔肩任開繼節目該

精粗四門倍鼓舞奕世長沾濡
奉璋來譽髦觀

光集翹彥雖啗梧鳳棲翩翩藻鳧戀呦呦羊鹿鳴郁郁
霧豹變鯉向芳池飛鶯遷茂林嘒子衿增鮮妍
宮節染葱蒨式

訓諧鐘音振曠闢管見鼓橐神吹噓鎔金妙冶鍊心效

葵藿傾

化沾靡蕪徧蛾術紛衷衷雀躍舞歡忭盛事揚

古稀貞符協大衍

同雲護壁府瑞雪飄環林瓊枝杏散彩玉葉槐
披陰素輝燦典籍皓質成瓊琳飛飛六出秀灑
灑連番深瑤階屑紛吐銀燭光徧臨霽綴飛花
色韻夏鳴珂音霑渥霈澤溥感召應

德歆知時乘元化潤物逾甘霖祥徵樂歲兆慶洽黎民
心仰被油油澤俯恤青青衿

鷺序効肅將鸛班荷

榮賜趨蹌服乃勞恪恭蒞厥事吸茗優在廷酌醴重有
位紀績先窠察錄庸逮隨侍文綺盈玉筐華練

曜錦筭。觀聽欣偕來。

頒錫寵倍至。彩幣輝爛斑。美錄色精粹。時雨同涵濡。春

膏盡沾被。並邀

天府光。益勵士民志。膠庠騰懽聲。黉宮拜

德意。

近稽宋元祐。遐滂漢永平。未邁百王德。空存三

雍名。煌煌考鉅典。赫赫標上京。闕如洵有待。展

也觀厥成。清時際

仁壽。寰宇覘景卿。四海道德流。萬國車書呈。早麓楛濟

濟中。泚莪菁菁

堯型煥彪蔚

舜矩增恢宏。幸窺石渠祕。嘗沐橋門榮。景從效于邁。颺

拜荷載賡

詩

吳璫

皇帝膺圖御宇五十載。崇儒重道懋典輝。垓埏仲春上

丁大昕

親視學釋奠

先師禮成

經帷懸於樂辟雍煌煌垂鉅制。溯始詩之大雅靈臺篇。

特命師氏保氏考掌故迺

召太常宗伯稽陳編辨方庀材適奏將作技書等饗工
詔發水衡錢維堂在中水更周於外。榘杗杞梓構宇與
疏椽如翬斯飛兮如鳥斯革。度室以几兮度堂
以筵。繡井疏渠檻泉漾感沸。馳波跳沫中沚流
漪漣橋門四達辰居衆星共東西南北旋轉如
環連鉅工落成中外咸抃慶懋儀肇修庠黌瞻

寅虔鐘師笙師磬師職歌奏醢人醢人鹽人掌釧籩百

羞百醬鼎俎備品物六彝六盞簋簋供吉蠲齊
齊皇皇

天容嚴祇敬踴踴濟濟臣鄰肅班聯

至誠昭格千載符契合

大聖端拱三春典儀駢肇裡迄用有成告事畢

法駕爰詣講堂謨誥宣

生知敏求小心恒翼翼

典學致治王道何平平耕之種之耨之凜

訓命如絲如綸如綉欽

陶甄窮源沂流百川注大海微顯闡幽旭日麗中天堯

舜禹湯文武紹邳治易象詩書禮樂扶真詮

詔爾臣工義蘊廣探索

詔爾多士與蹟勤鑽研

聖王至教

君道兼師道天下同文希聖與希賢維茲

至聖之裔膺顯爵析圭剖符奕世

上賞延四氏襲職大典襄揖讓千里乘軺

渥賜霑駢闐交戶交階虎闌駿奔走旅進旅退鵷行偕

周旋

湛恩延洪日月臨溥徧

闐澤覃敷雨露濡新妍進講之臣司服錫絲組侍從之

臣內饗羅肥鮮一爵二爵三爵醉飽既以雅以

南以籥鏗鏘然蓼蕭零露雅奏詠湛湛含哺鼓

腹經筵歌便便譽髦斯士肆有德有造入學鼓

篋晨夕鋪書壇養國子樂德樂語樂舞稽功緒

五年七年九年讀古人書蟻術伸佔畢近

天子光鵠立騫騰。翮頌金之

詔槐市甫于橐。增額之

命棘闈思競鞭。傑侏兜離萬方集

闕下。梯岑航海奔趨偕爭先。重洋徼塞輸誠以納

責。陪臣子弟挾策而操絃。懷鉛握槩幸綴官屬

後瞻

雲就

日環侍宮牆前

聲教暨訖車書大一統。含生負氣

視如赤子焉。凡此

榮光照詔調玉燭

恩波汪濊溥博而淵泉。內則九職九兩守耕鑿。外則八

紘八極架梁饁大哉

聖王超越萬萬古

曼齡篤慶嚮離以乘乾。惟吾

皇聰作謀睿作聖。惟吾民宅爾宅。佃爾田。丹雘白環雜

還煥寰極。德星喬雲歲挺駢珠躔

萬年泰筴

宸懷矢亶亶

五世天潢禔福欣綿綿

丹詔十行喬皇宣綸閣蒼生億姓歡忭歌鄂塵

壽世壽民肆筵而啟宴國老庶老薦脯而烹鱸藩服皤

皤耆年豫嘉會

堯階鏘鏘賡歌舒長筵於時

文治光昌徵大備

四閣之書璀璨紛丹鉛經部史部子部兼集部

文源

文津

文溯首

文淵別其色標以青赤白黑紀其數積以三萬六

千

聖心嗜學更遣興學茂

宸躬斂福彌使錫福全祝

聖人多富多男多壽頌天保如山如阜如川長此

壽臧昌熾垂無極萬有千歲擊壤歡聲傳

--	--	--	--	--	--	--	--	--	--	--	--	--	--



